

呈廣東省政府請增加補助費文

呈爲呈請增加補助費，以維教育事。竊敝校自去年八月接回國人自辦，九月再復開課以來，學生雖較前畧少，而校風則較前更佳；深荷

鈞府每月清發補助費八千三百三十三元三毫三仙，並由財政廳

按月搭發舊欠五千元，經費賴以支持，學業因有成績。

政府厚意，感激莫名。但敝校大學設有文理農蠶商各學院。更附設有中學小學華僑各校。事體既大，費用自多。現在經費已拮据萬分，來月開銷，即深虞不繼。至於明年度預算，雖極力撙節，然除學費收入，及美國人捐助約二十餘萬元外，不敷之數，尙三十餘萬元。此時募捐，大不容易。誠恐由外國人主管中國接回自辦之大學，因經費缺少，無以維持發展，不能爲國家益譽增榮。謹爲此具呈奉瀆

鈞府，懇請照原有每年發給補助費十萬元，並按月搭發舊欠五千元外，每年增加補助費十萬元。自本年七月起計，按月共發補助費式萬壹千六百六十六元六毫六仙。俾敝校經常費用，賴以維持。由此向外募捐，用爲擴張設備，以期完成敝校校董會擬定之發展計畫，而成爲世界知名之一大學，以爲黨國造就有用人才。顯揚國光，進展教育，務懇

准照施行，至深感佩。謹呈

廣東省政府

中華民國十七年五月廿三日

私立嶺南大學 校長鍾榮光
副校長李應林

廣東省政府准增加本校補助費批

私立嶺南學校校長鍾榮光等

呈一件。呈請每年增加補助費十萬元，自本年七月起計，按月

共發補助費二萬一千六百六十六元六毫六仙，以維教育。

務懇照准施行由。

呈悉。案經本府委員會第六十三次會議議決，交財政廳計入十七年度預算，並呈奉

政治會議廣州分會核議通過在案。據陳前情，除令行財政廳外，仰即知照。此批。

中華民國拾七年六月八日

規程

私立嶺南大學職教員待遇細則

一，職教員聘請，或僱請，均以一年計算，薪俸由九月一日